

2. D. B. V.
COLLEGIUM FEUDALIS PUBLICI

DISPUTATIO OCTAVA

De

JURE, QVOD
RATIONE FEUDI DOMI-
NO ET VASALLO COM-
PETIT,

In Academia VVittebergensi,

PRÆSIDE

WERNER-THEODORO MARTINI,

J. U. D. & P. P.

Respondente,

AUGUSTO BECKEN/

Stolpensi,

publica ventilationi submissa.

Die 24. Octobr. in Auditorio JCrorum
horis matutinis.

WITTEBERGÆ,

Literis RÖHNERI, Academ. Typogr.

A. O. R. M. DC. LXIII.

499

16

1663

15

22

VIRIS
NOBILIBUS, AMPLISSIMIS, CONSULTIS-
SIMIS, SPECTATISSIMIS,

DN. SEBASTIANO *Rotten* /
IN CAMERA SERENISS. ELECTOR. SA-
XON. ET BURGGRAVII MAGDEBURGEN-
SIS SECRETARIO GRAVISSIMO.

DN. ANDREÆ *Beckern* /
SERENISS. ELECTOR. SAXON. PRÆFECTURÆ
STOLPENSIS DIRECTORI DIGNISSIMO, BE-
NE MERITISSIMOQVE.

DN. CHRISTIANO *Schimern* /
EJUSD. POTENTISS. ELECTOR. SAXON. QUÆ-
STURÆ MAURITIOBURGENSIS PRÆFECTO MULTO
COMMENDATISSIMO, HEREDITARIO IN Sac.

DN. CONRADO *Schaffern* /
EJUSDEM SERENITATI AB ACCEPTIS ET
RATIONIBUS IN PRÆFECTURA STOLPENSI.

Dominis Patronis, Avunculo, Parenti & affinibus

*unicè colendis semper ac venerandis,
hoc quicquid est,*

Grati animi, arctæ necessitudinis &
debiti honoris causa offert, & sese
suaqve omnia perpetuùm debe-
re cupit.

AUGUSTUS *Becker*.

COROLLARIA
ADDITA à RESPONDENTE.

I.

Filiusfam. de bonis adventitiis illis, in quibus habet plenum Dominium, sive quorum ususfructus Patri non acquiritur, liberam testandi facultatem habet. Ratio potest dari ex l. ult. §. 5. C. de bon. qua lib. l. ult. in pr. C. de inoff. testam.

II. In jure non dantur casus pro amicis arg. l. 9. §. ult. C. de LL. Etiam si de jure applicando ad factum adeo dubitetur, ut juret judex, sibi non liquere de causa l. 13. §. fin. π. de recept. qui arbitr.

III. Emptor praefertur Conductori, ut etiam ipsum expellere possit, juxta vulgatum illud, Kauff gehet vor Mierhe / Ratio: quia conductor re vendit a nullum amplius habet jus in re, namq. soluto jure dantis, solvitur §. jus accipientis arg. l. 31. π. de pignor. Conductori interim actio ex hac causa adversus Locatorem conceditur l. 24. §. 4. π. Locati.

IV. Sequestri, si forte in custodia turbetur, non competit interdictum de turbata possessione vel spolio: cum iste, nisi expressè a partibus actum sit, non possideat l. 39. π. de acquir. possesf. l. 3. §. fin. π. eod. l. 6. π. de posit. Et nemo repetere id possit, quod nunquam habuit. Quamvis illi competat remedium can. retindeganda III. qvæst. 1.

V. Pacta obstagiorum tam in privatis quam publicis causis valenti Ratio, quia permittunt leges, aliquem privatam auctoritate detineri posse, donec Domino sive auctori satisfiat l. 3. §. 3. π. de lib. hom. exhibend. l. 10. §. 16. π. qvæ in fraud. creditor. l. 54. C. de decurion. Quod si itaq. per legem fieri potest, utiq. §. per pactum fieri posse existimaverim arg. l. 59. π. de pactis. Ita ut nequidem cessione bonorum liberetur talis ab obstagio: Ratio: quia obligatus ad factum, cedendo bonis non liberatur Jason. in §. 12. J. de act. Jam verò obligationem facti, obligatus ad obstagia, tanquam ad factum, semper potest prestare, cum ea tantum hareat in personam obstagiati. Coler. in Procesf. Execut. p. 1. c. 8. Modest. Pistor. P. 4. qvæst. 138. n. 16.

VI. Studiosus agendo contra civem apud Senatum oppidanum, coram hoc Senatu reconveniri non potest, per Auth. Habita C. ne filius pro patre qua Studiosum ab omni aliorum jurisdictione prater suum Magistratum eximit, ac ita de causis Studiosorum cognoscendi §. judicandi omnis facultas oppidano judici adempta sit. Jam verò reconventioni in iis tantum modo causis locus est, de quibus judex per modum conventionis cognoscere potest.

VII. No-

A-

E

E-

tr.



*¶ Nobilis pradia Paganica, Bauergrüetter, operis & servitiis obnoxia, ad-
quirens, immunitatem eorum obtendere non potest, L. ult. §. 24. ff. de mu-
ner. & honor. l. 8. C. de fund. patrimon. Nobiles enim tantum ratione
feudorum privilegiati sunt, & hoc in casu non respiciuntur ut Nobiles,
sed ut possessores & honorum rusticarum emtores.*

Quænam sint DOMINI, quænam sint jura VASALLI
In FEUDIS doctè disseris atq; probas,
Mi BECKERE, Virum Juvenem decet illa palæstra,
Quæ sat CULTORES ornat honore suos.

*Amicissimo DN. RESPONDENTI,
Prolyta Juris strenuo gratulab.
apponeb.*

PRÆSES.



Qui pede non lento delubra, AUGUSTE, Tibemistos
Intras, sed cursu præcipitiq; gradu.
Quos AUGUSTA DICE Tibi non promittit HONORES,
Quam FAMAM, quæ non splendida LUCRA parat.
O minor AUGUSTOS, AUGUSTAM, AUGUSTA; Favorem
AUGUSTUM Princeps addet & ipse suum.

Virtuti
Commensalis Optimi
debebam.

M. MICHAEL Liebenantz/
Fac. Phil. Adjunct.



581

DISPUTATIO FEUDALIS

OCTAVA

De
Jure, quod ratione Feudi Domino
& Vasallo competit.

Respondente
AUGUSTO Beckern / Stolpensi.

THESIS I.

Feudi constituti Effectus est Jus, quod ejus nomine tam Vasallo, quam Domino competit. Et primò quidem rei feudalis in Vasallum translata, dominium, quod vocant directum, seu proprietas Domino remanet salva, quam regulariter in concessione sibi reservasse censetur. 2.F.8. §. ult. 2.F.23. in fin. Competit porro eidem Jurisdictio in Vasallum 2.F.55. §. praterca si inter duos. c. ex-transmissa. extr. de for. compet. & c. ceterum ext. de judic. quæ non delegata est, sed ordinaria dd. texx. junct. l.6. & ibi Dd. ff. de jurisd. & l.32. §. 1. ff. de LL. nec delegabilis, licet per vicarios exerceri queat.

2. Præter hæc, præstationes ipsi quædam Personales à Vasallo debentur, non solum de quibus in Investiturâ dictum, sed etiam omnes, quæ tacitè juramento fidelitatis insunt, ac præter ea, quæ fidelitas continet 2.F.6. specialiter Obsequium ac reverentiam, & servitia concernunt. Ad Reverentiam Vasallum meritò obligat collatum beneficium arg. l.25. §. 11. ff. de petit. hered. de quâ videantur texx. 2.F.22. vers. curia. autem & 2.F.23. vers. quomodo enim, ex quibus & aliis patet, Vasallum ita se gerere debere, uti erga illos faciendum est, quorum Persona sancta & honesta videri debet. l.9. ff. de obseq. parent. & patron. præstand. Schrad. part.6. c.6. num.101. & p.10. sect.5. num.127. Schneidew. p.5. num.115. & seqq.

3. Non igitur famosam adversus dominum actionem, aut accusationem movere, 2.F.24. §. item si delator. 2.F.33. §. similiter. nec in causâ criminali aut civili modicâ testimonium adversus eum dicere potest d. tex. 2.F.33. §. similiter. & §. seq. In civili verò non modicâ seu
H
magnâ

magnâ testari contra dominum impunè ipsi licet: nulla tamen in causâ, nisi ea sit feudalis, invitus ad dicendum contra dominum testimonium per judicem cogi potest *arg. l. 4. vers. ult. ff. de testib. l. 12. C. eod.* An autem citra læsionem reverentiæ dominum in jus vocare possit, non nihil ambigitur. Nos negativam juri magis consentaneam arbitramur. *arg. l. 14. ff. de injus voc. § l. 2. d. t.* Guido Papæ *decis. 551. num. 1.* Zas. *epit. feud. p. 7. num. 47.* Oldendorp. *cl. 1. act. 4.*

4. Eâdem ex fidelitate profluens reverentia & obsequium requirunt, ut Vasallus, casu eveniente, renovationem investituræ justo tempore à Domino petat *2. F. 40. 2. F. 24. prim. 1. F. 22.* laudemium ex pacto aut consuetudine præstet. Rosenth. *c. 6. concl. 66.* res feudales earumq; confinia illi demonstrat. *Glos. in §. ult. verb. nisi requisitus. 2. F. 55.* Rosenth. *tract. feudal. c. 8. concl. 32. num. 4.* instrumentum investituræ & sic titulum possessionis suæ edat. *Glos. in c. imperialem §. illud quoq; 2. F. 55.* Hartman. *Pistor. p. 2. q. 46.* Vult. *lib. 2. c. 3.* dominum ab hostibus captum (non etiam justè carceratum) redimat. *2. F. 24. §. item si delator.* Clar. *§. feudum. quæ. 24. num. 2.* & egenum ad exemplum liberti & donatarii incolumnitatis conservandæ causâ alat. *2. F. 6. Schrad. p. 9. cap. 8. num. 12. & seq. Bocer. cl. 5. disp. 16. cl. 4. th. 35.*

5. Æs autem alienum à Domino contractum Vasallus exsolvere minimè tenetur. *2. F. 26. §. licet Vasallus Koppen. quæst. 60. num. 9.* Coler. *d. process. execut. p. 2. c. 3. num. 342.* sicut nec collectarum impositione gravari potest Heig. *p. 1. q. 18. num. 17.* nisi extremâ urgente necessitate, aut consuetudine, conventionem, vel præscriptionem aliud obtinuerit. Heig. *d. q. 18. num. 13.* Clar. *§. feudum q. 29. in fin.* & nisi sit infimus subditus, quem collectare justis de causis licet. Rosenth. *c. 5. concl. 78.*

6. Potissima verò præstatio, quæ domino debetur, est Servitorum, quæ Vasallitica & militaria dicuntur (*Lehen oder Ritterdienste*) *2. F. 23. inf. 2. F. 55. §. firmiter.* regulariter enim Vasallus ad operam militarem Domino obstringitur *1. F. 1. §. notandum est autem. 1. F. 5. pr. 2. F. 12.* nonnunquam tamen & ad alia servitia tenetur, prout in feudis Guardia, Gastaldia, & aliis apparet.

7. Dividuntur servitia in determinata & indeterminata. Illa certa sunt & definita, extra quæ ad alia non tenetur. *arg. l. ult. C. de pact. convent. l. 21. inf. C. de procurat.* Hæc incerta, ubi vel generaliter, vel nulla servitorum in investiturâ facta est mentio, & utroq; casu ex naturâ feudi Vasallus ad ea, quæ alii ejusdem conditionis præstare solent, modera-

ta

ta scilicet & honesta, obligatur, Schrad. p.6.c.6.n.4. Rosenth. c.8. concl. 22.

8. Servire tenetur Vasallus quivis, etiam foemina, praelatus Ecclesiae seu clericus, idq; licet heredi Domini juramentum fidelitatis forte nondum praestiterit, quia sufficit feudum illum habere, quo posito, ad praestacionem eorum, quae in forma fidelitatis continentur, continuo obligatur. 2. F. 6. § 7. Schrad. p.10. sect. 3. num. 70.

9. Heredes plures defuncti alicujus Vasalli omnes servitia praestare coguntur, ad quae defunctus erat obligatus. Hi tamen si feudum simul possideant, ex sese unum eligere possunt, qui nomine omnium serviat, quem Dominus, nisi justam recusandi causam habeat, acceptare tenetur, qui Germanice vocatur *Lehentraeger*. arg. l. 72. pr. § sed quod ff. de solut. Schneidew. p.5. n. 14. Schrad. p.6.c.6. num. 23. ipsis autem inter se disidentibus, in electione domini erit, a quo servitia exigere velit. arg. l. 3. § ubi duo. ff. de duob. reis. l. 18. ff. de testam. tutel.

10. Qui ad praestanda servitia est idoneus, vel ipse in propria persona, vel per substitutum 2. F. 26. §. *avis si decesserit* 2. F. 55. §. *firmiter* aequè tamen commodum & idoneum (etiam magno periculo Domino imminente) pro suo libitu servire potest. Schrad. p.6.c.6. num. 45. nisi in investitura nominatim dictum sit, ut in propria persona servitium praestet, vel officium feudo adherens ejus praesentiam exposcat. Rosenth. de feud. c.8. conclus. 23. Utrum vero substitutus missus idoneus sit, boni viri arbitrio definiendum relinquitur. Schrad. d. p.6. n. 45. Rosenth. d. c.8. concl. 24. num. 5.

11. Serviendum porro est Domino immediato 2. F. 54. in fin. 2. F. 55. §. *illud quod precipimus* quia ille proprius Dominus est ipsius Vasalli d. §. *illud quod* 2. F. 55. Jacob. de S. Georg. d. tract. verb. § *promiserunt* n. 12. Hartm. Pistor. part. 2. q. 45. n. 8. & si plures sint domini ratione diversorum feudorum, omnibus. Schrad. d. c.6. n. 19, Jacobin. d. l. n. 11. Sin unum feudum, & plures domini heredes aut succesores, tunc uni, quem ipsi, vel, ipsis disidentibus, Vasallus, habitâ ratione aetatis & dignitatis, elegerit, servitia sunt praestanda. Clar. §. *feudum*. q. 49. n. n. Schneidew. p.5. n. 17. Hartm. Pistor. d. p. 2. q. 47. num 27.

12. Pluribus succesoribus inter se de feudo disidentibus, ac bella gerentibus, vel penitus quiescat Vasallus, quod tutius est, Hartm. Pistor. d. q. 47. n. 30. Zas. p. 7. n. 12. vel, si quis illorum in possessione est, possessorem juvet. Pluribus autem diversorum feudorum dominis inter se

H 2 belli-



belligerantibus, antiquiorem præferat. Hartman. Pistor. d. q. 47. n. 35. contra alios autem pugnantibus utrisqve, & antiquiori quidem, si velit, in personâ propriâ, alteri verò per substitutum operam militarem præstabit. Jacob. d. verb. & promiserunt. num. 11.

13. Tenetur autem Vasallus servitium militare domino præstare contra omnes, non tamen contra Imperatorem aut Regem superiorem non recognoscentem, cui & Dominus est subjectus, vel à quo feudum prius manavit, 2. F. 7. pr. & 2. F. 28. §. ult. 2. F. 55. in fin. nec contra dominum antiquiorem. d. 2. F. 28. aut seipsum arg. can. de occidendis 23. q. 5. l. 29. §. fin. de pignor. & hypoth. Sicut enim primam fidelitatem primo domino, ita primam charitatem sibi ipsi Vasallus quisq; debet. arg. l. 6. ubi glos. C. de servitut. & aq. Hinc etiam, ubi præsentissimum adest periculum, vitam suam vitæ domini præferre illum posse nonnulli tradunt. Zas. p. 7. num. 37. Sonsbec. p. 16. n. 12. quod tamen ita, si operâ suâ ipsum nihil effecturum esse constet, intelligendum existimo.

14. An adversus patrem suum, filium, ac fratrem Vasallus Domino servitium militare præstare debeat, in utramq; partem valdè disceptatur. In qua controversiâ, cum expressus adsit textus 2. F. 28. in fin. qui nec illas personas excipi velit, affirmantium (quorum ingens numerus allegatus à Rosenthal. c. 8. concl. 14. num. 7. in not. adde & Schrader. p. 6. c. 5. num. 1.) partibus accedimus. Et hanc sententiam eò magis probamus, quod Vasallus non nisi in causa justâ dominum juvare teneatur. 2. F. 28. pr. & per substitutum operam debitam præstare 2. F. 26. §. si quis decesserit. vel dimidium redditum unius anni de feudo solvendo 2. F. 55. §. firmiter vel deniq; ipsum feudum refutando ab illa militandi necessitate se liberare possit.

15. Non autem, nisi requisitus, ad serviendum sese sistere tenetur. 2. F. 26. §. licet. 2. F. 28. §. ad hoc. 2. F. 37. in fin. nisi status dies certumve tempus sit præfixum, quo serviat, quod regulariter pro homine interpellat. l. 12. C. de contrab. & commit. stipul. Quod si etiam scit, dominum in periculo aliquo constitutum esse, vel insidias ei strui, ac discrimen imminere intelligit, non admonitus accurrere & futurum malum avertere, præsens depellere debet. 2. F. 24. & 39. 2. F. 26. §. licet.

16. Quæritur autem, an propriis suis sumptibus Vasallus domino militare cogatur? Quod omninò dicendum, quia feudum ad hoc ei datur, ut Domino servitia præstet. 2. F. 23. §. ult. 2. F. 55. §. firmiter modo proventus feudi istiusmodi sumptus ferant. Clar. §. feudum. q. 21. nec aliud

aliud pacto investituræ cautum, aut moribus locorum inductum sit. Vult. de feud. lib. 1. c. 10. num. 34. Rosenth. cap. 8. concl. 24. in addit. lit. d. Gudelin. in comment. de feud. pag. 4. c. 6. num. 14.

17. Et si quidem Vasallus ad serviendum vocatus sine morâ promptè adesse debet, non rarò tamen, quòd vel non potuerit, vel à servitio liber sit, excusatur. Non potuisse censetur, vel ob ætatem, si impubes sit 2. F. 16. §. si quis deceserit. aut 70. annis major, arg. l. 3. ff. de jur. immun. §. 13. Inst. de excus. tut. vel corporis infirmitatem, ita ut suis rebus superesse nequeat l. pen. de vac. & excus. mun. vel quod jure abstinere debeat, ut si Dominus injustam habeat causam 2. F. 28. princ. vel hæreticus, l. 1. l. 4. & auth. credentes C. de heret. l. nemo militet. C. de Episc. aud. bannitus Gail. 2. de P. P. cap. 15. excommunicatus c. excommunicatos & seq. ii. q. 3. c. nos sanctorum 15. q. 6. aut aliâ gravi infamiâ notatus sit 1. F. 22. pr. arg. l. 2. C. de dignit.

18. Liber à servitio est, qui feudum tenet Francum Zaf. p. ult. n. 36. Schrad. p. 2. c. 2. num. 33. cui dominus speciali gratiâ servitia expressè vel tacitè remisit. Rosenth. c. 8. concl. 8. qui præscriptione tutus est, ita ut interpellatus 30. annorum spatio servitia non præstiterit Koppen. q. 13. n. 6. Gail. 2. obs. 60. n. 4. & seq. qui dimidio redditus annui feudalis servitium redemit. 2. F. 55. §. firmiter. Bocer. cl. 5. d. 19. th. 15. & denique qui feudum non amplius tenet, de quo vide Rosenth. c. 8. concl. 5.

19. Quæstio hæc sese offert minimè in utilis, si Dominus feudum francum seu à servitiis liberum sibi apertum alii denuò concesserit, nulla factâ servitorum mentione, an cum pristina conditione censeatur concessum, an verò præstanda ex eo sint servitia? Posterius Affirmamus, quia quodvis feudum eo animo constitutum, & à domino concessum, intelligitur, ut ex eo præstentur à Vasallo servitia 2. F. 23. in fin. ideoque nec hoc casu remissa videri possunt, licet feudum antea fuerit liberum, Schneidew. part. 5. n. 91. Rosenth. c. 8. concl. 4. n. 8.

20. Hactenus de jure Domini; sequitur nunc jus Vasalli, quod ipsi ex feudo dato resultat, partim circa personam domini, partim circa rem ipsam. Et Dominum quidem Vasallus vicissim obligatum sibi habet, non solum ad evictionem, si res aliena in feudum data sit, præstandam 2. F. 8. pr. 2. F. 25. sed etiam ad fidelitatem 2. F. 6. 2. F. 52. §. ult. adeò ut si circa capita d. 2. F. 6. proposita perfidum sese ostenderit, feloniam committere dicatur, & feudi jure ac proprietate suâ privetur 2. F. 26. §. domino 2. F. 47. Non potest etiam ab eodem accusari 2. F. 33. §. pen. ubi

H 3

glosf.



*glosf. in verb. accusare injuriã affici 2. F. 26. §. domino, vel feudo sine cau-
sã privari 2. F. 9. in fin. & 2. F. 34. §. ex eadem.* In his tamen, quæ ad reve-
rentiam spectant, non pariter Dominus Vasallo est obligatus, uti nec ad
operam militarem ex causã dati Feudi à Vasallo obeundam.

21. Circa rem quod consistit, est Possessio rei feudalis 2. F. 8. §. fin. 2.
F. 2. §. si verò 2. F. 22. pr. quam veram quidem, non tamen civilem, sed
naturalem penes Vasallum esse probabilius est. d. 2. F. 22. & 2. F. 8. in
fin. Cum possessione hac conjunctum est jus utendi fruendi 2. F. 8. §. rei
autem quod quasi possidet civiliter, suo scil. jure, animo & opinione do-
mini arg. 2. f. 23. §. ult. vers. usufructus verò. cujus vigore tanquam do-
minus rem feudalem à quovis detentore vel possidente d. §. rei autem
2. F. 8. 2. F. 26. §. & Vasallus etiam ab ipso domino per d. §. rei autem ibi:
à quolibet possidente arg. l. 1. §. 1. ff. si ager vedig. vel emphyt. petat. vendi-
care potest.

22. Possessionem illam & utile Dominium, sequuntur omnes feudi
feudalis fructus tam naturales, quam industriales 2. F. 28. §. his Conse-
quenter item metalla & mineralia in feudo feudali reperta, non autem
thesaurus inventus, nisi pro parte dimidiã, sicut supra dictum. Pertinent
item ad Vasallum accessiones prædii feudalis, & incrementa tam natu-
ralia, si feudale prædium non sit limitatum l. 16. pr. ff. de acquir. rer. dom.
nec dominus in concessione ejus aliquid sibi reservaverit. 2. F. 4. §. si quis
de manso & §. fin. quam industrialia, circa quæ tamen distingvendum
juxta tex. 2. F. 8. §. è contrario 2. F. 28. §. si Vasallus. Ratione istiusmodi in-
crementorum Vasallus nec novã investiturã opus habet, nec majora
domino servitia præstare tenetur. Schrader. p. 5. c. 6. n. 26. arg. l. fin. C. de
alluvion.

23. Præterea Vasallo potestas data est feudum refutandi, item alium,
etiam invito domino, subinfeudandi. Refutare nihil aliud hæc est, quam
renunciare aut alii cedere. *Die Lehen aufssagen/ auffkündigen.* Hæc fit
vel domino seu in manus, ut loquuntur, domini, vel successoribus sive
descendentibus sive agnatis: illam propriam, hanc impropriam vocat
Vult. lib. 1. c. 10. num. 75. sed textu & ratione destituitur. Licere autem
Vasallo feudum pro lubitu vel domino vel alicui agnatorum, si est pa-
ternum, cedere vel refutare, etiam invito domino, tatis est manifestum.
arg. l. 29. C. de pact. l. 69. ff. de R. I. l. 66. de jur. dot. §. pen. Inst. de usufr. & per
tex. 2. F. 14. 2. F. 38. in f. 2. F. 44. in fin. nec refert illud conditionatum,
seu ad certa servitia restrictum esse Mynsing. cent. 5. obs. 65.

24. Si

25. Si feudum antiquum Domino refutatum sit à Vasallo, id agnatis non præjudicat, quia jus à primò adquirente quæsitum, illis eo modo interverti non debet 1. F. 1. 2. F. 39. ideoq; mortuo refutato, ad feudum admittuntur. Si agnato cuidam sit refutatum, & quidem remotiori, interest, utrum interveniente pretio, an gratis. Priori casu, etiam vivo refutante, intra annum refuso æquali pretio proximiori id revocare licet. 2. F. 3. §. *sed etiam res.* 2. F. 36. §. *Titius filios.* Posteriori, non nisi eo mortuo 2. F. 26. §. *Titius. vers. Sempronius proximior* 1. F. 8. §. *hoc quoq; observatur* Cæterum feudo proximis agnatis refutato, quamvis à servitiis liber sit Vasallus, dominum tamen suum offendere non potest. 2. F. 38. *in fin.*

26. Eodem modo Vasallo permisum est feudum, etiam Ecclesiasticum, vel partem ejus alii sine consensu domini in feudum concedere, quod vocant Subfeudum em *Affierleben* 2. F. 3. §. *sed etiam rei* 2. F. 9. *pr.* 2. F. 26. §. *beneficium.* 2. F. 34. §. *similiter.* quamvis in investiturâ cautum sit, ne Vasallus alienet feudum. *Vultei. lib. 1. c. 10. n. 86.* quod & subvasallo & deinceps ulterioribus licet. 2. F. 10. & 34. §. *similiter* 1. F. 1. §. *notandum.* 1. F. 7. modo sincerè fiat ac sine fraude 2. F. 9. *pr. vers. si verò.* 2. F. 26. §. *beneficium.* & iisdem conditionibus, legibus & pactis, quibus Vasallus subinfeudans ipse feudum habet. 2. F. 34. §. *profectò ille:* Ut autem subvasallus paris dignitatis, nobilitatis vel autoritatis cum Vasallo sit, necesse non est, modò ad servitia sit idoneus 2. F. 26. §. *beneficium* *Zaf. p. 9. n. 16.* *Rosenthal. de feud. c. 9. concl. 44. n. 5.*

27. Effectus subinfeudationis est, quod accipiens subfeudum Vasallus fiat subinfeudantis 2. F. 55. §. *illud quoq;* non item domini superioris mediati, utpote cum quo contractus non est celebratus: ab hujus tamen æqvè ac domini sui immediati offensione abstinere debet, cum negari non possit, dominum directum illius quoq; subfeudi ad ipsum pertinere. Sic etiam juramentum fidelitatis ac servitia ratione subfeudi domino immediato sunt præstanda. *Menoch. 3. præsumpt. 102. n. 9.* *Hartman Pistor. p. 2. q. 45. in fin. per. tex.* 2. F. 9. §. *si autem in fin.* nisi mediatus Princeps sit territorii, aut ordinariam in immediatum jurisdictionem habeat. *Schrad. d. c. 6. num. 60.*

28. Examinanda hîc venit illa quæstio, Utrùm & quatenus, resolutò jure Vasalli subfeudum concedentis, jus quoq; subvasalli, quod ab illo dependet, exstingvatur? Et sanè, quamdiu supersunt liberi subinfeud-



infeudantis, qui unâ cum feudo hereditatem agnoscere 2. F. 45. & factum illius præstare tenentur, subinfeudatio etiam post obitum ejus subsistit, per *tex. 2. F. 9. vers. si autem, ibi. si tamen sine herede masculino descendente decedebat, cui suffragatur. tex. 1. F. 5. §. rursus, ibi: & sine herede deceserit.* Agnatis autem subinfeudatio illa minimè præjudicat, quò minus subfeudum, velut resolutio jure concedentis avocare possint. 1. F. 17. §. rursus 2. F. 73. Hartman. Pistor. lib. 2. q. 44. num. 6. Rosenth. cap. 9. concl. 48. licet longissimo tempore à subvasallo fuerit possessum.

29. Subsistit tamen post obitum subinfeudantis contra agnatos Subinfeudatio, si feudum sit hereditarium vel subinfeudatio facta sit de rebus infeudari solitis, Hartm. Pistor. d. q. 44. n. 6. vel deniq; si agnati fiant ejus heredes, qui subfeudum concessit. Heres enim rem à defuncto alienatam revocans exceptione doli mali repelli potest. l. 14. C. de R. V. ubi glosf. & Dd. l. 3. l. 5. C. de reb. alien. non alien.

30. Liberis & agnatis deficientibus, ubi feudum totum domino aperitur, etiam subfeudum ad eundem redit. Sed huic sententiæ non exiguam difficultatem parit *tex. 2. F. 9. pr. vers. si autem in fin. ubi traditur, si subvasallus Domino superiori servire velit, illum feudum retinere posse.* Hartman. Pistor. d. q. 44. n. 10. & seqq. illum locum accipiendum esse putat, vel de domino subvasallum recognoscente, vel de casu, quo Vasallus culpâ suâ feudum amisit, quem sequitur etiam Lindenman. exer. feud. 3. cap. 8. th. 29. Sed neutrum placet satiusque videtur, admittere intellectum glosfæ d. versic. ad veterem consuetudinem, quæ ante prohibitam à Lothario & Friderico Imperatoribus alienationem fuit, restringentis, quem probat Niell. disp. feud. 7. th. 8.

31. Deniq; & illud notandum, si subvasallus culpam aliquam, quâ feudum amitti & ad Dominum devolvi solet, commiserit, subfeudum illud non Domino superiori, sed immediato, qui subinfeudavit, aperiri per *tex. 2. F. 55. §. illud quoq; ubi Schenck. num. 1.* & cæteri, nec refert, delictum illud contra superiorem seu mediatum dominum commissum fuisse, quia, quamvis offensus iste feudum non consequatur, satis tamen pro injuriâ habet quindictæ, vob subvasallus feudo privetur, illudq; domino immediato applicetur Sonsbec. de feud. part. 13. num. 41. Idem etiam dicendum, si subfeudum citra consensum domini fuerit alienatum, illud non domino mediato, sed immediato itidem aperiri Sonsbec. d. part. 13. num. 91. Rosenth. cap. 9. concl. 64.





ULB Halle
002 618 818


3




Sb

1077







2. D. B. P.
COLLEGII FEUDALIS PUBLICI
DISPUTATIO OCTAVA

De
JURE, QVOD
RATIONE FEUDI DOMI-
NO ET VASALLO COM-
PETIT,

In Academia VVittebergensi,

PRÆSIDE
WERNER-THEODORO MARTINI,
J. U. D. & P. P.

Respondente
AUGUSTO BECKENI
Stolpenfi,
publica ventilationi submissa
Die 24. Octobr. in Auditorio JCrorum
horis matutinis.

WITTEBERGÆ,
Literis RÖHNERI, Academ. Typogr.
A. O. B. M. DC. LXII.

499
16
15
22

